

**MIGUEL FERNÁNDEZ MÉNDEZ, CONCELEIRO SECRETARIO DA XUNTA DE GOBERNO LOCAL DO EXCMO. CONCELLO DE LUGO,**

**CERTIFICO:**

**Que a Xunta de Goberno Local, na sesión ORDINARIA celebrada o trinta de decembro de dous mil quince, adoptou o seguinte acordo:**

**12/894 CONTRATO ADMINISTRATIVO CORRESPONDENTE Á PRESTACIÓN DO SERVIZO DE CENTRO DE DÍA “NOVO ANTONIO GANDÓY” SITO NA RÚA CARRIL DAS HORTAS. PRÓRROGA DO CONTRATO DENDE O 01/01/2016 ATA O 31 DE MARZO DE 2016.-** Examinado o expediente tramitado para os efectos e visto o informe proposta da Técnica do Servizo de Contratación e do Xefe de Servizo de Contratación, Patrimonio e Fomento, do 15 de decembro de 2015 que, na súa parte expositiva, fai constar:

“Examinado o expediente de referencia e visto:

1.- Contrato administrativo correspondente á PRESTACIÓN DO SERVIZO DE CENTRO DE DÍA ‘NOVO ANTONIO GANDÓY’ SITO NA RÚA CARRIL DAS HORTAS asinado entre o Concello de Lugo e a mercantil INNOVACIÓN Y DESARROLLO ASISTENCIAL S.L. con data 21 de novembro de 2104.

A cláusula terceira do dito contrato establece:

*‘ Á vista da entrada en vigor da Lei 27/2013 de 27 de decembro de Racionalización e sostenibilidade da Administración Local, e tendo en conta a disposición transitoria segunda, establécese o prazo de duración do contrato dende a sinatura da acta de inicio ata o 31 de decembro de 2015, ou período inferior no caso de que a comunidade autónoma asuma as competencias referentes á prestación dos servizos sociais, en particular para a xestión de centros de día, en dito caso a empresa concesionaria non terá dereito a indemnización por incumprimento de prazos.*

*O prazo para a sinatura da acta de inicio será como máximo de un mes dende a data de formalización do contrato.*

*Unha vez rematado o período inicial de vixencia -e para o caso de que a Comunidade Autónoma de Galicia acordase a delegación de competencias en materia de xestión de centros de día ou en virtude da normativa existente no momento o Concello pódese continuar prestando esta competencia- poderá o contrato prorrogase por mutuo acordo das partes adoptado cunha antelación de un mes á data de finalización e por un período máximo igual ó período de duración inicial deste contrato.’*

2.- Acta de inicio asinada en data 1 de decembro de 2014.

3.- Escrito presentado en data 23 de novembro de 2015 pola empresa manifestando a vontade de renunciar á prorroga a partir do 31 de decembro de 2015.

4- Xestións realizadas pola xefa de servizo de servizos sociais solicitándolle á empresa que, dado que é necesario redactar novos pregos que permitan levar a cabo unha nova contratación, continúe prestando o servizo durante un período

## ACTAS E GOBERNO

MGF/mbfc

Refª: 15x620120894

Asunto: XUNTA DE GOBERNO LOCAL DO 30-12-2015

máximo de tres meses ou período inferior en caso de dispor de nova empresa adxudicataria .

5.- Correo electrónico remitido pola empresa en data 14 de decembro de 2015 Manifestando a conformidade coa prórroga durante un máximo de tres meses.

6.- Informe da xefa de servizo de servizos sociais de data 14 de decembro propoñendo a prórroga nos termos indicados.

7.- Mandamento contable RCFUT 103538/15 de consignación na aplicación 23185.22799 para o Presuposto municipal de 2016 por importe de 85.200 euros (tres meses).

8. Certificacións positivas en vigor da AEAT e da Seguridade Social.

Cómpre realizar unha breve reflexión sobre a competencia municipal en materia de servizos sociais que permitiría decidir sobre a posibilidade ou non da continuidade da prestación deste servizo.

Así, a Disposición Transitoria segunda da Lei 27/2013, do 27 de decembro, de racionalización e sustentabilidade da Administración Local relativa á Asunción polas Comunidades Autónomas das competencias relativas a servizos sociais establece:

*‘1. Con fecha 31 de diciembre de 2015, en los términos previstos en las normas reguladoras del sistema de financiación autonómica y de las Haciendas Locales, las Comunidades Autónomas asumirán la titularidad de las competencias que se preveían como propias del Municipio, relativas a la prestación de los servicios sociales y de promoción y reinserción social.*

*Las Comunidades Autónomas asumirán la titularidad de estas competencias, con independencia de que su ejercicio se hubiese venido realizando por Municipios, Diputaciones Provinciales o entidades equivalentes, o cualquier otra Entidad Local.*

*2. En el plazo máximo señalado en el apartado anterior, y previa elaboración de un plan para la evaluación, reestructuración e implantación de los servicios, las Comunidades Autónomas, en el ámbito de sus competencias, habrán de asumir la cobertura inmediata de dicha prestación.*

*3. En todo caso, la gestión por las Comunidades Autónomas de los servicios anteriormente citados no podrá suponer un mayor gasto para el conjunto de las Administraciones Públicas.*

*4. Lo dispuesto en los apartados anteriores se entiende sin perjuicio de la posibilidad de las Comunidades Autónomas de delegar dichas competencias en los Municipios, Diputaciones Provinciales o entidades equivalentes, de conformidad con el artículo 27 de la Ley 7/ 1985, de 2 de abril, reguladora de las Bases del Régimen Local.*

*5. Si en la fecha citada en el apartado 1 de esta disposición, en los términos previstos en las normas reguladoras del sistema de financiación de las Comunidades Autónomas y de las Haciendas Locales, las Comunidades Autónomas no hubieren asumido el desarrollo de los servicios de su competencia prestados por los Municipios, Diputaciones Provinciales o entidades equivalentes, Entidades Locales, o en su caso, no hubieren acordado su delegación, los servicios seguirán prestándose por el municipio con cargo a la Comunidad Autónoma. Si la Comunidad Autónoma no transfiriera las cuantías precisas para ello se aplicarán retenciones en las transferencias que les correspondan por aplicación de su sistema de financiación, teniendo en cuenta lo que disponga su normativa reguladora.’.*

A Comunidade Autónoma de Galicia aprobou a Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración Local, a cal establece na súa disposición adicional cuarta *'As competencias que debe asumir a Administración da Comunidade Autónoma de Galicia en materia de educación, saúde e **servizos sociais** en cumprimento das disposicións da Lei 27/2013, de racionalización e sustentabilidade da Administración Local, continuarán sendo prestadas polos municipios mentres non se dean as condicións previstas para o seu traspaso na normativa básica e, en particular, o establecemento do novo sistema de financiamento autonómico e das facendas locais previsto nela'*, disposición que podería dar cobertura legal á continuidade da prestación deste servizo

Igualmente, en datas recentes, o Ministerio de Facenda e Administracións Públicas emitiu unha nota explicativa da reforma local acompañada dunha comunicación nas que se aclara que *'mentres non sexan aprobadas as normas reguladoras do novo sistema de financiamento autonómico e local, as competencias referidas na citada lei, en canto á atención primaria da saúde, sevizos sociais e educación, deberán continuar sendo prestadas polos Concello'*, o cal confirmaría a interpretación favorable á posibilidade de continuidade da prestación do servizo de referencia por parte do Concello.

Non obstante, ante un tema de tanta enxundia que segue a debate en moitos ámbitos, foron solicitados informes á Secretaría e Vicesecretaría Municipais, así como á Asesoría Xurídica e Intervención Xeral Municipal, sen prexuízo de que ante a inminencia do remate do actual contrato (31/12/15) e a importancia do mesmo por canto afecta a uns colectivos de especial sensibilidade (maiores dependentes usuarios do centro de día, se poida continuar coa prestación do servizo e, a posteriori esixir as responsabilidades sobre o exercizo de tal competencia e do seu financiamento.

Por outra banda, se ben é certo que a prórroga non se adopta cun mes de antelación á data límite de duración inicial tal e como se establece nos pregos xa que a empresa manifestou coa antelación prevista a súa intención de non prorrogar, realizáronse unha serie de xestións de cara á continuidade na prestación do servizo ante a imposibilidade de contar no prazo dun mes cunha nova empresa adxudicataria.

Así, a empresa manifesta a conformidade cunha prórroga de tres meses sendo informada favorablemente pola responsable do contrato e maila concelleira delegada polo que se evidencia a vontade de continuar coa prestación do servizo nos termos pactados no contrato, non obstante debería procurarse que o acordo municipal correspondente se adoptase con anterioridade ao vencemento do prazo inicial."

A Xunta de Goberno Local, no uso das súas atribucións, con base na proposta do referido servizo conformada pola Ilma. Sra. Tenenta de Alcalde Delegada da área respectiva, e por unanimidade dos seguintes asistentes: Excm. Sra. D.<sup>a</sup> LARA MÉNDEZ LÓPEZ, Alcaldesa Presidenta do Concello de Lugo (Grupo Municipal Socialista -GMS-); Ilma. Sra. D.<sup>a</sup> ANA PRIETO NIETO, Tenenta de Alcalde Delegada da Área de Goberno de Economía, Emprego e Desenvolvemento Económico (GMS); Ilmo. Sr. D. MIGUEL FERNÁNDEZ MÉNDEZ, Tenente de

## ACTAS E GOBERNO

MGF/mbfc

Refª: 15x620120894

Asunto: XUNTA DE GOBERNO LOCAL DO 30-12-2015

Alcalde Delegado da Área de Goberno de Medio Rural e Deportes (GMS); Ilma. Sra. D.<sup>a</sup> MARÍA DEL CARMEN BASADRE VÁZQUEZ, Tenenta de Alcalde Delegada da Área de Goberno de Cultura, Turismo, Xuventude e Promoción da Lingua (GMS); Ilma. Sra. D.<sup>a</sup> ANA MARÍA GONZÁLEZ ABELLEIRA, Tenenta de Alcalde Delegada da Área de Goberno de Benestar Social, Igualdade e Inclusión (GMS) e o Ilmo. Sr. D. MANUEL NÚÑEZ LÓPEZ, Tenente de Alcalde Delegado da Área de Goberno de Educación e Infraestruturas Urbanas, **ACORDA:**

PRIMEIRO.- Prorrogar o contrato administrativo subscrito por este Concello e a mercantil INNOVACIÓN Y DESARROLLO ASISTENCIAL S.L. (CIF B31820194) correspondente á PRESTACIÓN DO SERVIZO DE CENTRO DE DÍA “NOVO ANTONIO GANDOY” SITO NA RÚA CARRIL DAS HORTAS dende o 1 de xaneiro de 2016 ata o 31 de marzo de 2106, ou período inferior en caso de contar cunha nova adxudicataria do servizo, todo isto con base nos informes técnicos e xurídicos anteriormente mencionados e que se dan por transcritos para os efectos da súa fundamentación, con estrita suxeición ao prego de condicións técnicas e económico administrativas particulares aprobados pola Administración municipal, contrato subscrito e demais documentos contractuais.

SEGUNDO.- Adoptar o compromiso de incluír no Orzamento de 2016 a cantidade necesaria para atender as obrigas que se devenguen no dito exercicio. (RC FUT 103538/15)

TERCEIRO.- Darlles traslado deste acordo, o cal pon fin á vía administrativa, ás partes interesadas e demais dependencias municipais afectadas, coa indicación de que contra el caberá a interposición dos seguintes recursos:

- Recurso contencioso-administrativo ante o Xulgado do Contencioso-Administrativo de Lugo (artigo 8 da Lei 29/1998, do 13 de xullo), nun prazo de DOUS MESES, contados a partir do día seguinte ao da notificación deste acto.

- Malia o anterior e con carácter previo, poderá interpoñer o recurso potestativo de reposición previsto no artigo 116 da Lei 4/1999 de modificación da Lei 30/1992, do 26 de novembro, ante a Xunta de Goberno Local e no prazo de UN MES, contado dende o día seguinte ao da notificación deste acto.

**E para que así conste no expediente, coa expresa advertencia prevista no artigo 206 do Regulamento de organización, funcionamento e réxime xurídico das entidades locais de que a acta da sesión na que foi adoptado o acordo transcrito aínda non foi aprobada, e a reserva dos termos que resulten da aprobación desta, expídese esta certificación de orde da Excma. Sra. Alcaldesa, dona Lara Méndez López, coa súa sinatura e a do Secretario da Xunta de Goberno Local, don Miguel Fernández Méndez.**